

定南廳志

250.185


136

128

279.15

126

1



重修定南廳志序

邑乘一書雖祇紀一邑之事而其為法實與經史並重凡事莫不有法躋次今而四時以定山川奠而疏鑿以施仰觀俯察天地之大法存焉而法於出治為

定南廳志

宋序

尤亟是故六經者百世不易之規而諸史者百王必備之則也雖然七政莫詳于虞按羲和之命以推今之中星則差矣四瀆大定於夏按禹貢之跡以求今之河道則荒矣法制莫備于成

周以周公之封建井田治後之天下則紛矣史書去今最近事變略同然據一代之史以為州縣之治其不合者多矣况乎省與郡異郡與邑殊即同此一邑而前後緩急猶不能一其施古

人知其然故舉一朝之典章制度政令紀綱著之于史以要其大又必舉一邑之興廢沿革民風物宜作而為志以職其詳執州縣之故事而不本經史之法其政或駁而不醇執經史之法

而不諳州縣之宜其治亦拘而
鮮當惟用古人之意以合乎時
與地之宜夫而後政行而民便
吾故曰邑乘之為法其重與經
史並也定南雖陞為廳官階不
同民事則一廳志固無殊邑志

也道光二年奉

督憲批定纂修江西通志於是
撫定南廳志亦于例應修定之有

志由來舊矣勝國之季創建伊
始闕略頗甚入
本朝風氣日開文明漸啓一再修

之而志之體乃備至于今
重熙累洽休養生息二百年之深
良吏迭臨百端具舉忠孝節義
之事不絕于書科名仕宦之業
背趾相望彙而紀之甚盛軌也
夫以定之一邑建立之初綏定

安集其規之如是其詳更化之
後興養立教治之如是其善而
其經畫區處之方則皆本之古
人之意以合乎時與地之宜承
其後者擴而充之以與定民相
摩厲其蒸蒸日上也固宜予不

敏濫沐 憲青甲申春杪委權
斯篆入境之初見夫芄芄黍苗
稂莠不生知民之力於農也道
路平修橋梁完固知民之亟於
公也山雖峻而有扶輿之秀川
不涸而有清溪之流地以人靈

知此中之代有偉人也然而地
處偏隅萬山排闥生齒繁矣而
舟車不至財貨匱乏惠工通商
之道或未盡也及興書院禮山
長廩餼生徒多士偕來士氣奮
矣而通達經術可備公卿之選

者尚難數覩學校養而成之者
或未具也敦詩書重節義收族
親親風俗厚矣而賢愚不一彼
此爭強動輒興訟馴擾服習之
方或未浹洽也日夜思之鳩拙
懷慙欲進斯民于文章禮樂之

盛而殊覺未能撫是編也能無
繼長增高之恩歟是秋書成披
閱之餘條分縷晰民生之疾苦
不問而知風尚之貞廉不採而
得人文趨向之正否不考而悉
政令張弛之利病不察而詳誠

即所志而與聚勿施以求合于
古聖人之善政善教古循良之
措置設施斟酌損益以漸而及
吾民其有瘳乎而予之思其能
已乎都人士乞予一言為序爰
推其所以輔經史之未詳而為

定南廳志

宋序

定治之大法者以告之且以質
後之君子

大清道光五年仲秋月

勅授承德郎署贛州府定南分防
同知事姑蘇宗思濂序



續修定南廳志序

今夫志乘者仿乎史冊之名也修志者係乎守土之責也建置之沿革不同今昔之情形各異是在隨時修輯以備稽查庶足以循其名而盡其責也况

國家承平數百年矣舉凡土地人民政事一邦之中無時不有可取之事則記載之曷

定南廳志

丁序

八

可以久闕乎定南雖壤地褊小界連粵東自乾隆三十八年改縣爲廳易俗移風紀綱備舉披閱舊志則章君瑩創縣志於前朱君昕修廳志於後迄今已數十年矣其間戶口日增人材日盛而載籍缺然未能如史冊之隨時採輯炳若日星者其何以故溯查乾隆己亥以來蒞斯土者豈無任

事之心非久斲之無常卽經營而未竟故
有欲爲而未能爲者爲之而未能成者以
致今日未得續纂耳方今

聖明在上道一風同道光壬午年奉文修輯江
西通志檄行各府廳州縣先修志書解赴
省垣以資採擇癸未正月余奉委署斯邦
下車之初卽以修志爲急務蓋深惜數十

年來主地人民政事湮沒不彰者不可勝
數爰與儒學董君金銘照磨馮君習仁暨
紳士黃君錫光廖君世采等共相商酌立
簿勸捐尙稱踴躍越數月而志稿已成分
類別門釐然大備無善不錄有美必書固
隱合乎史冊焉余公餘之暇忝鄙見以考
訂喜此志之不費而成余得以無負其責

者豈非賴董君等及諸紳士之力乎因將
付諸剗劂特序數語於前惟願生長是邦
者士尚弦歌農安耕鑿將見文風丕振民
俗敦龐下以爲梓里之光上以承

聖恩之厚者余固有深望於定之士民焉是爲
序

時

定南廳志

丁序

十

道光三年歲次癸未十有二月護理定南
廳同知事吳興丁春林撰



定南廳志序

國家統一區宇幅員之廣超
越前古計天下府廳州縣
碁布星羅能禹貢職方所
能盡其域其間土地人民政

事之經治包安危之迹彼
此并視之昔殊狀何以使人
不出戶而周知四方之政上
下千百年而瞭如指掌則
惟結繩易為書契以治以

察聖人之功於是為大而
記載之不可以已也我

朝崇文懋治

列聖相承宏開史館嘗

詔儒臣編輯

定南廳志

朱序

三

大清一統志通編微郡國志書

用資採擇以故修志之舉

莫不奉檄懇浚筮精有闕

而來修者何也苦於其事

之難而莫之為抑或欲為

之而不克終為之也定南界
賴屬邑有志舊矣創於前
明縣令章君鑒修于

國初縣令祝君添壽暨科君說
孕迄今垂百年矣自乾隆三

十八年癸巳撫軍海公成以
定南界連閩粵賴郡門戶
保障維艱特疏題准改縣
名雁移郡僚驛防馬疆域
如故而規模綱紀煥然一新

特是上溯百年制度之因革
戶口之增加官師之循良人
文之炳蔚載籍爰如珠為
闕典前雁守黃公汝源有
慨於此立簿勸捐纂修雁志

以擢遷去不果繼之者朱公
堯會浚延首事申前議未
幾亦擢遷去此雁志之久不
修由多苦其難而莫之為
而雁志之修如二公者上歎

爲之而不克終爲之也歲戊
戌余率

簡命蒞事於土南下車接見都人
士即以此爲言皆踴躍樂從
乃細閱舊志周咨近聞更進

定南縣志

朱志

五

而語之曰宜勅僻在嶺嶠率

安遠孰南信豐地時隆慶初

平定諸巢始運具治前後

百餘年間洊罹寇害遺黎

凋散文物闕然

聖朝削除禍亂更歷三紀世安風
移康熙十六七年以來農安
耕鑿士尚絃歌終其身及
子孫不見兵革蓋天下之
治平久矣今日者考文徵

定南廳志

朱序

共

獻以備

王會之盛而困以知斯人幸生
邛隆之世休養生息惟是
沐膏澤咏勤苦飲射讀法
賓興賢能而桴鼓之警絕